



Broj: 02-04-2740/21-AP-5  
Datum: 22.11.2021. godine

OPĆINSKO VIJEĆE ZAVIDOVIĆI  
n/r PREDSEDavajućoj Općinskog Vijeća  
mr. iur. Erna Merdić Smailhodžić

PREDMET: Odgovori na vijećnička pitanja sa 10. sjednice Općinskog vijeća Zavidovići održane 20.10.2021. godine, dostavljaju se

Povodom vijećničkih pitanja postavljenih na 10. sjednice Općinskog vijeća Zavidovići održanoj 20.10.2021. godine, dostavljamo odgovore na iste kako slijedi:

#### 1. VIJEĆNIČKO PITANJE VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: U kojoj proceduri su javne nabavke za izvođenje radova na rekonstrukciji lokalnih puteva i ulica na području Općine Zavidovići za 2021. godinu?

Obrazloženje:

Kako je planom kapitalnih investicija za 2021. godinu i Planom ulaganja za rekonstrukciju, izgradnju i obnovu lokalnih cesta i gradskih i prigradskih ulica predviđeno 189.500,00 KM za lokalne ceste i 207.300,00 KM za gradske ulice na području općine Zavidovići za 2021. godinu, tražim informaciju da li je postupak javne nabavke za izvođenje radova na prometnim lokalnim cestama i gradskim i prigradskim ulicama objavljen i u kojoj je proceduri, te kada se može očekivati uvođenje izvođača u radove na pomenutim dionicama puteva i ulica. ??

Molim vas za pravovremene odgovore.

Odgovor na pitanje treba da sdrži tačan datum očekivane realizacije za svaku pojedinačnu lokalnu cestu i ulicu a koja je predmet rekonstrukcije u 2021. godini sa naznakom da li proces javne nabavke objavljen (ukoliko jeste, kada?) i kada se može očekivati uvođenje izvođača u radove?

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Stručne službe općinskog načelnika, broj: 02-45-20/21-AP-80 od 22.11.2021. godine): Stručna služba općinskog načelnika provodi postupke javne nabavke od dana stupanja na snagu Pravilnika o

internim procedurama u postupku nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021 ).

Pravilnikom o internim procedurama u postupku nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021 ) određeno je da općinske službe za upravu, posebne službe i općinsko pravobranilaštvo Zavidovići svaki novi postupak javne nabavke predviđen Planom javnih nabavki općine Zavidovići za 2021. godinu. Nakon provođenja izrade potrebne dokumentacije, objave, ocijene i odabira najpovoljnije ponude, nakon zaključivanja ugovora o javnoj nabavci, potrebna dokumentacija i ugovor dostavlja se nadležnoj službi na praćenje i realizaciju ugovora.

U vezi sa navedenim Stručna služba općinskog načelnika je dostavila podatke o postupcima javnih nabavki kako slijedi:

1. Javna nabavka radova „Redovno održavanje nerazvrstanih cesta“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 09.06.2021. godine u Informacionom sistemu „E-nabavke“,
- zaključen Okvirni sporazum na osnovu čega je zaključen Ugovor o javnoj nabavci radova 26.10.2021. godine,
- ugovori proslijeđeni Službi za upravu ekonomskih poslova i poduzetništva na praćenje i izvršenje. Nakon realizacije i izvršenja ugovora dužni su dostaviti izvještaj o realizaciji ugovora odnosno javne nabavke.

2. Javna nabavka radova „Javna nabavka radova - rekonstrukcija i asfaltiranje lokalne ceste Donja Lovnica - Gornja Lovnica - II faza“:

- podnosilac zahtjeva: Služba za upravu ekonomskih poslova i poduzetništva,
- objavljen dana, 12.08.2021. godine u Informacionom sistemu „E-nabavke“,
- zaključen Ugovor o javnoj nabavci radova dana, 10.11.2021. godine koji je sa ostalom potrebnom dokumentacijom proslijeđen Službi za upravu ekonomskih poslova i poduzetništva na praćenje i izvršenje. Nakon realizacije i izvršenja ugovora dužni su dostaviti općinskom načelniku izvještaj o realizaciji javne nabavke.

3. Javna nabavka radova „Investiciono održavanje i sanacija dijela ulice Prvomajska“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 19.08.2021. godine u Informacionom sistemu „E-nabavke“,
- zaključen Ugovor o javnoj nabavci radova dana, 12.10.2021. godine koji je sa ostalom potrebnom dokumentacijom proslijeđen Službi za upravu ekonomskih poslova i poduzetništva na praćenje i izvršenje. Nakon realizacije i izvršenja ugovora dužni su dostaviti općinskom načelniku izvještaj o realizaciji javne nabavke.

4. Javna nabavka radova „Sanacija lokalne ceste Zavidovići - Dubravica“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 26.08.2021. godine u Informacionom sistemu „E-nabavke“,
- zaključen Ugovor o javnoj nabavci radova dana, 20.10.2021. godine koji je sa ostalom potrebnom dokumentacijom proslijeđen Službi za upravu ekonomskih poslova i poduzetništva na praćenje i izvršenje. Nakon realizacije i izvršenja ugovora dužni su dostaviti općinskom načelniku izvještaj o realizaciji javne nabavke.

5. Javna nabavka radova „Rekonstrukcija lokalne ceste Zavidovići - Gorni Kovači“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 07.09.2021. godine u Informacionom sistemu „E-nabavke“,
- zaključen Ugovor o javnoj nabavci radova dana, 09.11.2021. godine koji je sa ostalom potrebnom dokumentacijom proslijeđen Službi za upravu ekonomskih poslova i poduzetništva

na praćenje i izvršenje. Nakon realizacije i izvršenja ugovora dužni su dostaviti općinskom načelniku izvještaj o realizaciji javne nabavke.

6. Javna nabavka radova „Investiciono održavnje i sanacija dijela lokalne ceste Mramorje - Mednjik“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 30.09.2021. godine u Informacionom sistemu „E-nabavke“,
- zaključen Ugovor o javnoj nabavci radova dana, 18.11.2021. godine koji je sa ostalom potrebnom dokumentacijom proslijeđen Službi za upravu ekonomskih poslova i poduzetništva na praćenje i izvršenje. Nakon realizacije i izvršenja ugovora dužni su dostaviti općinskom načelniku izvještaj o realizaciji javne nabavke.

7. Javna nabavka radova „Rekonstrukcija ulice Omladinska“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 01.10.2021. godine u Informacionom sistemu „E-nabavke“,
- donesena Odluka o izboru najpovoljnije ponude i čeka se istek zakonskog roka za zaključivane ugovora.

8. Javna nabavka radova „Sanacija lokalne ceste Zavidovići - Biljačić“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 20.10.2021. godine u Informacionom sistemu „E-nabavke“,
- proveden postupak e-aukcije, predmet se nalazi u radu kod Komisije za javne nabavke.

9. Javna nabavka radova „Investiciono održavnje i sanacija dijela ulice Podubravlje“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 01.10.2021. godine u Informacionom sistemu „E-nabavke“,
- zaključen Ugovor o javnoj nabavci radova dana, 19.11.2021. godine koji je sa ostalom potrebnom dokumentacijom proslijeđen Službi za upravu ekonomskih poslova i poduzetništva na praćenje i izvršenje. Nakon realizacije i izvršenja ugovora dužni su dostaviti općinskom načelniku izvještaj o realizaciji javne nabavke.

10. Javna nabavka radova “Rekonstrukcija dijela ulice Radnička“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 07.10.2021. godine u Informacionom sistemu „E-nabavke“,
- odluka o izboru najpovoljnije ponude iz opravdanih razloga poništena i donesena nova odluka kojom se nudi ugovor drugorangiranom ponuđaču.

11. Javna nabavka radova “Nastavak uređenja infrastrukture naselja Vučjak (Ulica „4. manevarski bataljon“):

- podnosilac zahtjeva: Služba za upravu ekonomskih poslova i poduzetništva,
- objavljen je dana, 13.10.2021. godine u Informacionom sistemu „E-nabavke“,
- donesena Odluka o izboru najpovoljnije ponude i čeka se istek zakonskog roka za zaključivane ugovora.

12. Javna nabavka radova „Rekonstrukcija raskrsnice Husein-kapetana Gradašćevića i ulice Zlatnih ljiljana“:

- podnosilac zahtjeva: Služba za upravu ekonomskih poslova i poduzetništva,
- objavljen je dana, 15.10.2021. godine u Informacionom sistemu „E-nabavke“,
- donesena Odluka o izboru najpovoljnije ponude i čeka se istek zakonskog roka za zaključivane ugovora.

## 2. Vijećnik Haris Hodžić: Dopunsko pitanje.

Djelimično zadovoljan. Mi smo malo prije usvojili Zapisnik sa posljednje redovne sjednice gdje se tačno vidi i u Zapisniku da je upućeno pet pitanja. Dostavljeni su odgovori za četiri pitanja na koje sam evo djelimično zadovoljan, ali tražim odgovore zašto nije dostavljeno pismeno izjašnjenje po ovom petom pitanju i zašto je povrijeđen Poslovnik u tri tačke, članu 108. Poslovnika o radu Općinskog vijeća Zavidovići koji kaže: „Odgovori na vijećnička pitanja mogu se davati usmeno ili u pisanoj formi na prvoj narednoj sjednici“. Povrijeđen Poslovnik o radu, član 170. kaže: „Iz opravdanih razloga Općinski načelnik ili drugo ovlašteno lice mogu zatražiti da se davanje odgovora po određenim pitanjima odgodi za narednu“. Ja nisam vidio nijedan opravdan razlog da se traži odgađanje odgovora po ovom pitanju. I povrijeđen je član 171., pitanja na koji se traži odgovor u pisanoj formi predsjedavajuća dostavlja odgovor vijećniku na prvoj narednoj sjednici. Naredna sjednica, ja nisam dobio odgovor. Zahtijevam, evo da mi se, ponoviću ovo vijećničko pitanje. Tražio sam od nadležne opštinske službe da mi dostave spisak prosječne mjesečne bruto i neto plate načelnika, pomoćnika načelnika, općinskog pravobranioca i direktora svih javnih ustanova i preduzeća u vlasništvu Općine Zavidovići. Evo, molim da mi se u roku 7 dana dostavi odgovor, evo i molim predsjedavajuću da ovo urgira jer je povrijeđen Poslovnik o radu.

Odgovor na dopunsko vijećničko pitanje o platama u Općini Zavidovići: Podaci o osnovnoj plaći, naknadama i dodacima na plaću Općinskog načelnika, općinskog pravobranioca, zamjenika općinskog pravobranica, državnih službenika i namještenika su javno objavljeni na službenoj web stranici Općine Zavidovići, u kategoriji ADMINISTRACIJA, potkategorija PLAĆE I NAKNADE. Također je objavljena visina osnovice i vrijednosti boda koji se koriste za obračun plate.

Odgovor na dopunsko vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova u dijelu koji se odnosi na prosječnu mjesečnu bruto i neto platu direktora JKP „Radnik“ d.o.o. Zavidovići, broj: 08-45-5/21-287 od 16.11.2021. godine): Služba za upravu poljoprivrede, vodoprivrede i komunalnih poslova je tražila odgovor od JKP „Radnik“ d.o.o. Zavidovići, pa su dostavili podatak svojim aktom broj: 2263-584-PAL-01/21 od 12.11.2021. godine gdje su naveli „plata direktora JKP „Radnik“ d.o.o. Zavidovići utvrđena od strane Nadzornog odbora JKP „Radnik“ d.o.o. Zavidovići u fiksnom mjesečnom neto iznosu od 1.900,00 KM bez obračunatog minulog rada“.

Odgovor na dopunsko vijećničko pitanje (Odgovor je sačinjen na osnovu akta Službe za upravu društvenih djelatnosti i opću upravu u dijelu koji se odnosi na prosječnu mjesečnu bruto i neto platu direktora javnih ustanova u vlasništvu Općine Zavidovići, broj: 04-45-14/21-AP-349 od 18.11.2021. godine):

JU “Centar za kulturu” Zavidovići:

- Prosječna mjesečna neto plata direktora 1.402,80 KM (1.350,00 KM neto plata + 52,80 KM minuli rad),
- Bruto plata: 2.125,60 KM.

JU “Centar za socijalni rad” Zavidovići:

- Prosječna neto plata direktora u prethodna tri mjeseca 1.040,00 KM,
- Bruto plata: 1.643,69 KM.

JU “Gradski dječiji vrtić” Zavidovići:

- Prosječna mjesečna neto plata direktora: 1.138,00 KM,
- Bruto plata: 1.660,00 KM.

JU "Javna biblioteka" Zavidovići:

- Prosječna mjesečna neto plata direktora: 1.158,93 KM,
- Bruto plata: 1.793,76 KM.

JU "Dom zdravlja" Zavidovići:

- Prosječna neto plata direktora za period od 01.01.-31.10.2021. godine: 5.221,31 KM,
- Bruto plata: 8.413,87 KM.

JU "Dom zdravlja" Zavidovići dala je obrazloženje u svom aktu da je Upravni odbor ustanove utvrdio osnovnu platu direktora u iznosu od 3,5 prosječne neto plate ostvarene u Domu zdravlja u mjesecu za koji se isplaćuje plata, te da visina plate ovisi od broja radnih sati i da prosječna neto plata u Domu zdravlja nije fiksna.

Napominjemo da Stručna služba Općinskog vijeća Zavidovići vodi računa prilikom saopštavanja podataka o visini plaća.

## 2. VIJEĆNIČKO PITANJE VIJEĆNIKA ADIJA MAHOVAC

Vijećnik Adi Mahovac: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Tražim da mi se dostavi spisak svih spomenika 1992/1995 koji su pod ingerencijom i u čijoj izgradnji je učestvovala, djelimično ili u cijelosti, općina Zavidovići?

Obrazloženje:

Svjedoci smo da je veliki broj spomenika na prostoru općine Zavidovići neuređeno, prepušteno zubu vremena i bez adekvatnog državnog/općinskog obilježja unatoč tome što postoji transfer za izgradnju obnovu i održavanje spomenika.

Direktno pitanje:

Tražimo od nadležne općinske službe da nam dostavi spisak svih spomenika 1992/1995 koji su pod ingerencijom i u čijoj izgradnji je učestvovala, djelimično ili u cijelosti, općina Zavidovići sa informacijom o tačnoj lokaciji spomenika, stepenu izvršenosti kao i informaciji ko je nadležan za brigu i održavanje svakog pojedinačnog spomenika?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu pitanja boraca, raseljenih lica i izbjeglica, broj: 05-45-2/21-AP-1492 od 17.11.2021. godine): Obzirom da se radi o različitim pristupima gradnje spomen-obilježja počev od nosioca aktivnosti, vlasničkih odnosa za parcele na kojima su građena, urbanističkih saglasnosti, projektnih dokumentacija izrađenih po zahtjevima mjesnih zajednica, Općine Zavidovići, Medžlisa Islamske zajednice (čak i džematskih odbora pojedinačno), te shodno tome i izvorima finansiranja za gradnju spomen-obilježja, pa i same sanacije, rekonstrukcije i održavanja spomenika, tako ove podatke za kompletnu informaciju treba pribaviti od svih pobrajanih.



S tim u vezi, Služba za upravu pitanja boraca, raseljenih lica i izbjeglica će u saradnji sa mjesnim zajednicama, boračkim udruženjima/organizacijama i Medžlisom Islamske zajednice prikupiti ove podatke i iste kao Informaciju dostaviti vijećniku gospodinu Adiju Mahovac.

Kod obrade podataka za Informaciju fokus će biti na deset značajnih datuma i događaja, a u skladu sa Odlukom o obilježavanju i finansiranju istih, napominjemo da upravo i za ovih 10 značajnih datuma ima 2-3 puta više spomen-obilježja i / ili spomen-ploča, tako npr. za značajne datume (Oslobađanje Kleka, Odbrana kote 715, Oslobađanje Blizne) imamo uglavnom spomen-ploče na direktnim lokacijama i uglavnom spomen-obilježja u sjedištima konkretnih mjesnih zajednica, a opet kao primjer da za jedan značajan datum (Oslobođenje reona Gostović) imamo najmanje četiri spomen-obilježja u 4 mjesne zajednice (MZ „Mahoje“, MZ „Gostović“, MZ „Stipovići“ i MZ „Donji Gostović“) i još bar toliko spomen-obilježja u nekoliko podružnica - naseljenih mjesta pomenutih MZ-a i nekolicina spomen-ploča Na sličan način se obilježava datum Odbarane Smailbašića.

Općina Zavidovići odnosno Služba za upravu pitanja boraca, raseljenih lica i izbjeglica uglavnom je u minulom periodu od završetka OOR-a '92.-'95., bila posvećena izgradnji Centralnog spomen-obilježja OOR-a 1992.-1995. (I faza, svečanost otvorenja 2008. godine) i izgradnja u sklopu kompleksa (II faza, zgrade sa Spomen-sobom OOR-a '92.-'95. i sjedište 4 osnovna boračka udruženja, svečano otvorene 2018. godine odnosno 2019. godine u povodu „Dana zavidovićkih ratnih jedinica – 19.12.“).

Pandemija COVID-19 tokom 2020./2021. godine obustavila je aktivnosti na planu vašeg pitanja, a što je bila nakana Službe odnosno Općine Zavidovići. Naime, razmišljanja su da JU Kulturno-sportski centar općine Zavidovići (ranije JU „Centar za kulturu“) osnuje Zavičajni muzej općine Zavidovići kojem bi jedna od muzejskih postavki bila pomenuta Spomen-soba OOR-a '92.-'95., te bi to vodilo formiranju radnog mjesta – kustosa muzeja, čime bi indirektno uz Spomen-sobu uokvirena i evidencija, održavanje i briga o spomen-obilježjima OOR-a '92.-'95. na području općine Zavidovići. Iskreno se nadamo da će ovaj projekt uskoro vrijeme biti realizovan čime bi na najbolji način ovjekovječili čuvanje tekovine OOR-a '92.-'95. za područje općine Zavidovići.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujanović

Obradio: \_\_\_\_\_  
(Nermin Čahtarević)